



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԲԱՐՁՐԱԳՈՒՅՆ ԴԱՏԱԿԱՆ ԽՈՐՀՈՒՐԴ**

**ԲԴԽ-37-Ո-97  
2018թ.**

**Ո Ր Ո Շ ՈՒ Մ**

**ԻՐ ՄՇՏԱԿԱՆ ԲՆԱԿՈՒԹՅԱՆ ՎԱՅՐԻՑ ԴՈՒՐՍ ՊԱՇՏՈՆԻ ՆՇԱՆԱԿՎԱԾ  
ԴԱՏԱՎՈՐԻՆ՝ ԿԱՌՎԱՐՈՒԹՅԱՆ ԿՈՂՄԻՑ ՍԱՀՄԱՆՎԱԾ ԿԱՐԳՈՎ, ՉԱՓՈՎ ԵՎ  
ԺԱՄԿԵՏՆԵՐՈՒՄ ՏՎՅԱԼ ՎԱՅՐՈՒՄ ԲՆԱԿԱՐԱՆԻ ՎԱՐՁԻՆ ՀԱՄԱՐԺԵՔ  
ՓՈԽՀԱՏՈՒՑՈՒՄ ՏՐԱՄԱԴՐԵԼՈՒ ԴԵՊՔԵՐԸ ՍԱՀՄԱՆԵԼՈՒ ՄԱՍԻՆ**

Հայաստանի Հանրապետության բարձրագույն դատական խորհուրդն արձանագրում է, որ դատավորի և նրա ընտանիքի անդամների համար լայն սոցիալական երաշխիքների (սոցիալ-տնտեսական ապահովության, բնակարանային, սոցիալական ծառայությունների և այլն) օրենսդրորեն ամրագրումը և իրականության մեջ դրանց ապահովումն ուղղակիորեն կապված են դատավորի լիարժեք անկախությունն ապահովելու հետ:

Հիմք ընդունելով վերոգրյալը և ղեկավարվելով «Հայաստանի Հանրապետության դատական օրենսգիրք» սահմանադրական օրենքի 57-րդ հոդվածի 5-րդ մասով, 94-րդ հոդվածի 1-ին մասով, 166-րդ հոդվածի 12-րդ մասով՝ Հայաստանի Հանրապետության բարձրագույն դատական խորհուրդը

**Ո Ր Ո Շ ՈՒ Մ Է**

1. Սահմանել իր մշտական բնակության վայրից դուրս պաշտոնի նշանակված դատավորին՝ Կառավարության կողմից սահմանված կարգով, չափով և ժամկետներում տվյալ վայրում բնակարանի վարձին համարժեք փոխհատուցում տրամադրելու դեպքերը՝ համաձայն հավելվածի:

2. Սույն որոշումն ուժի մեջ է մտնում 2019 թվականի հունվարի 1-ից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԲԱՐՁՐԱԳՈՒՅՆ ԴԱՏԱԿԱՆ  
ԽՈՐՀՐԴԻ ՆԱԽԱԳԱՀ**

**Գ. ՀԱՐՈՒԹՅՈՒՆՅԱՆ**

2018թ. սեպտեմբերի 13  
ք. Երևան

**Հավելված**  
**Հայաստանի Հանրապետության**  
**բարձրագույն դատական խորհրդի 2018թ.**  
**սեպտեմբերի 13-ի թիվ ԲԴԽ-37-Ո-97**  
**որոշման**

**ԻՐ ՄՇՏԱԿԱՆ ԲՆԱԿՈՒԹՅԱՆ ՎԱՅՐԻՑ ԴՈՒՐՍ ՊԱՇՏՈՆԻ ՆՇԱՆԱԿՎԱԾ**  
**ԴԱՏԱՎՈՐԻՆ՝ ԿԱՌԱՎԱՐՈՒԹՅԱՆ ԿՈՂՄԻՑ ՍԱՀՄԱՆՎԱԾ ԿԱՐԳՈՎ, ՉԱՓՈՎ ԵՎ**  
**ԺԱՄԿԵՏՆԵՐՈՒՄ ՏՎՅԱԼ ՎԱՅՐՈՒՄ ԲՆԱԿԱՐԱՆԻ ՎԱՐՁԻՆ ՀԱՄԱՐԺԵՔ**  
**ՓՈԽՀԱՏՈՒՑՈՒՄ ՏՐԱՄԱԴՐԵԼՈՒ ԴԵՊՔԵՐԸ ՍԱՀՄԱՆԵԼՈՒ ՄԱՍԻՆ**

1. Դատավորին բնակարանի վարձի փոխհատուցում տրամադրվում է իր մշտական բնակության վայրից դուրս դատավորի պաշտոնում նշանակվելու դեպքում:

2. Իր մշտական բնակության վայրից դուրս պաշտոնի նշանակված դատավորին տվյալ վայրում բնակարանի վարձին համարժեք փոխհատուցումը տրամադրվում է, երբ դատավորի աշխատավայրը գտնվում է իր մշտական բնակության վայրից ավելի քան 30 կմ հեռավորության վրա:

3. Փոխհատուցումը տրամադրվում է դատավորի՝ Բարձրագույն դատական խորհրդին ուղղված դիմումի հիման վրա՝ Կառավարության կողմից սահմանված կարգով և չափով: Դիմումում նշվում է նաև դատավորի մշտական բնակության վայրի հասցեն, վարձակալած բնակարանի հասցեն, ինչպես նաև ներառվում է դատավորի հայտարարությունն այն մասին, որ համապատասխան աշխատավայրում նա կամ նրա հետ համատեղ բնակվող անձինք չունեն սեփականության իրավունքով իրենց պատկանող բնակարան:

4. Վարձակալության պայմանագրի փոփոխման, ինչպես նաև փոխհատուցման տրամադրման հիմքերի վերացման պահից դատավորն այդ մասին հինգ աշխատանքային օրվա ընթացքում գրավոր տեղեկացնում է Բարձրագույն դատական խորհրդին: